

Eanan- ja meahccedoalloministeriija ášahus

Deanu čázádaga guollebivddus, mii vuodduuvvá Norggain dahkkon soahpamušii guolástanlobiin ja Deanu čázádaga guolástannjuolggadusaid 40 § 2 momeantta mielđasaš spiehkastatlobi ohcama mearreáiggis jagi 2025

Eanan- ja meahccedoalloministeriija mearrádusa mielde mearriduvvo Deanu čázádaga guollebivddus Norggain dahkkon soahpamuša láhkaásahansuorgái gullevaš mearrádusaid fápmuibidjamis ja guoskadeamis addojuvvon lága (176/2017) 3 § 5 momeantta, 8 § 4 momeantta, 10 § 6 momeantta ja 11 § 3 momeantta vuodul dakkárin go datleat lágas 207/2024:

1 §

Bivdolobiid haddemearrideapmi

Suoma ja Norgga gaskkas Deanu čázádaga guollebivddus dahkkon soahpamuša (SopS 42/2017 ja 42/2017) guolástannjuolggadusa 7 § 1 momeantta 5 čuoggás dárkkuhuvvon Suoma guolástanlohpedihtomeari eará šlájaid guolástanlobiin berrojuvvo 20 euro guolástanjándormáksu.

Ovdalis 1 momeanttas spiehkastahkan vuollel 18-jahkásačča lotnun eará šlájaid guolástanlobis berrojuvvo 10 euro máksu.

Dasa lassin ovddabealde 1 ja 2 momeanttas spiehkastemiin lea vejolaš laktit guolástanlobiide nuvtá ovtta dahje eanet mánnalobiid, mii vuoigadahtá das namuhuvvon eará sajis go Deanu čázádagas fásta ássi vuollel 18-jahkásaš máná guolástit ovttain stákkuin ja vuokkain hávil. Mánnalohpi ii lohkkujuvvo guolástannjuolggadusa 8 § 2 momeantta mielđasaš lohpedihtoeiide.

2 §

Bivdolahpeboađuid čilgen ja boađuid luobaheapmi stáhtii

Lohpevuovdimis ovddasvástideaddji oassebealli ferte addit čilgehusa ja luobahit iežas vuovdin ja su lohku vuodjuvvon bivdolobiin čoggon ruđaid sihke dain čoggon reanttu eanan- ja meahccedoalloministeriijai guovtti earis, vuosttaš ruhtageavahanáigodagas manemusat 15 beaivvi siste ja nuppi ruhtageavahanáigodagas 30 beaivvi siste čilgehusa addin- ja luobahanáigodaga mannel. Vuosttas čilgehusa addin- ja luobahanáigodat guoská geassemánu 30 beaivvi rádjái dáhpuhuvvan mávssuid ja máhcahemiid sihke nubbi mávssuid ja máhcahemiid suoidnemánu 1 beaivvi ja borgemánu 30 beaivvi gaskkas.

3 §

Bivdolahpeboađuid geavahanákkat

Guolástanbajis 2025 guolástanlobiin čoggon ruđat juhkkujuvvojit guolástanrievtti oamasteaddjiide nu ahte doahttaluvvojit gomihuvvon Deanu guolástansoahpamuša (SopS 94/1989) gustojeaddji geavat ja juohkinprinsihpat ruhtaváriid juohkimis. Juohkinprinsihpat mearriduvvojit jahkái 2025 dađi lági mielde, ahte lohpeboađut juhkkujuvvojit stáhta ja priváhta čáhceguovllu oamasteaddjiid gaskka guolástanavádagaid mielde guolástanjándoriid meari ja

gáddesárgá guhkkodaga vuodul ja dán maŋŋel priváhta čáhceguovlluid oamasteaddjiide máhčanvuloš lohpeboadut juhkkovuvvojit guolástanavádagaid mielde guolástanjándoriid meari vuodul.

Stáhtii gullevaš oassi jagi 2025 guolástanlohpeboaduin geavahuvvo lohpevuovdingoluid sihke stáhtii mielddisbuktin guolásteami bearráigeahččogoluid sihke dutkan- ja čuovvungoluid gokčamii.

4 §

Spiehkastatlobi ohcama mearreáigi

Ohcamuš guolástannjuolggadusa 40 § 2 momeanttas dárkkuhuvvon spiehkastatlobis oahpahanguolásteami ja kulturdáhpáhusaid várás galgá guđđovuvvot Sámi ealáhus-, johtolat- ja birasguovddášii maŋemusat miessemánu 23 beaivvi rádjái.

5 §

Fápmuiboahhtin

Dát ášahus boahhtá fápmui miessemánu 19 beaivvi 2025 ja lea fámus juovlamánu 31 beaivvi 2025 rádjái.

Helssegis miessemánu 14 beaivvi 2025

Eanan- ja meahccedoalloministtar Sari Essayah

Ráđđádalli virgeolmmoš Tapio Hakaste